



## Zaplijenjen duhan

U akciji kodnog naziva List II jučer su pripadnici **SIPA** uhapsili sedam osoba i zaplijenili oko 320 kilograma rezanog duhana.

Po nalogu Tužilaštva BiH, pripadnici **SIPA** na devet lokacija proveli su pretrese i obavili privođenja sedam osoba osumnjičenih za krivična djela organizovanog kriminala i nedozvoljenu trgovinu akciznih proizvoda.

Pretresi su izvršeni na području Sarajeva, Ilijaša, Kaknja, Širokog Brijega i Mostara i tom prilikom pronađeno je oko 320 kilograma rezanog duhana, duhana u listu i korijena, kao i alat i ambalaža za

proizvodnju duhana.

Stavljanjem u promet navedene količine duhana, utajene su porezne i akcizne obveze u iznosu višem od 30.000 maraka, za koje je oštećen budžet Bosne i Hercegovine.

Nakon provedenih pretresa biće odlučeno o daljim aktivnostima, odnosno o pokretanju prijedloga za mjere pritvora ili mjere zabrane prema osumnjičenima.

Jučerašnja akcija je nastavak one koja je provedena u oktobru prošle godine kada je uhapšeno 36 osoba zbog šverca 100 kilograma duhana.

D. P.